

汝寧府志



義州何顯祖

三韓董永祚

纂修

人物

謹按語云芝草無根醴泉無源夫天之生才參錯不常每隨地自見亦有然矣故傳豪俠彰跡馳之材也叙列女表貞淑之節也載流寓美聖賢之萃止也述仙釋著方外之神奇也採方伎見術數之多端也天之生才顧何常乎志人物下

汝寧府志

卷十三

人物豪俠

豪俠

周黃歇汝南陽城人遊學博聞事楚頃襄王頃襄王以歇爲辯使於秦秦昭王使白起攻韓魏敗之於華陽擒魏將芒卯韓魏服而事秦秦昭王方令白起與韓魏共伐楚未行而歇適至於秦聞秦王之計當是時秦已前使白起攻楚取巫黔中之郡拔鄢郢東至竟陵歇恐壹舉兵而滅楚乃上書說昭王曰天下莫強於秦楚今聞大王欲伐楚此猶兩虎相與鬪兩虎相與鬪而鬻

大承其弊不如善楚昭王曰善乃止白起而謝
韓魏發使賂楚約爲與國歇受約歸楚楚使歇
與太子完入質於秦秦留之數年頃襄王病太
子不得歸而楚太子與秦相應侯善於是歇說
應侯曰相國誠善楚太子乎曰然曰今楚王恐
不起秦不如歸其太子太子得立其事秦必重
而德相國無窮若不歸則咸陽一布衣耳楚更
立太子必不事秦夫失與國而絕萬乘之和非
策也願相國熟慮之應侯以聞秦王曰令太子

之傅先往問楚王之疾返而後圖之歇說太子
亡秦太子因變衣服爲楚使者御以出關而黃
歇守舍常爲謝病度太子已遠乃自言秦昭王
曰楚太子已歸出遠矣歇當死願賜死昭王大
怒欲聽其自殺也應侯曰歇爲人臣出身以徇
其主太子立必用歇不如歸之以親楚秦因遣
黃歇歇至楚三月頃襄王卒太子完立是爲考
烈王以黃歇爲相封春申君賜淮北地十二縣
歇既相楚與齊孟嘗君趙平原君魏信陵君爭

相下士招致賓客輔國持權相楚八年爲楚
伐滅魯以荀卿爲蘭陵令當是時楚復強趙人
李園求事春申君爲舍人進其女弟幸於春申
君知其有身乃出李園女弟謹舍而言之楚王
楚王召而幸之遂生子男立爲太子楚王貴李
園園用事恐春申君語泄而益驕陰養虎士詹
殺春申君以滅口後楚考烈王卒園伏虎士棘
門之內刺歇斬其頭投棘門外而李園女弟初
幸歇有身而入之王所生子者遂立是爲楚幽
王

王

秦李斯上蔡人少好飛鷹走馬稍長折節從荀卿
學帝王之術學已成度楚王不足事六國皆弱
無可與建功者西入秦呂不韋任以爲郎因說
秦王以滅諸侯成帝業秦王拜斯爲長史聽其
計遣謀士齎金玉以遊說列國離其君臣之心
使良將隨其後秦王拜斯爲客卿奉宗室大臣
曰諸侯人來仕秦者大抵皆爲其主游間於秦
耳請一切逐之李斯議亦在逐中乃上書言逐

客不利於秦秦王乃除逐客之令復李斯官卒
用其計謀官至廷尉二十餘年竟平天下尊主
爲皇帝以斯爲丞相變蒼頡籀文爲小篆又上
言非博士官所職天下有藏詩書百家語者皆
請守尉雜燒之有偶語詩書者棄市以古非今
者族所不去者醫藥卜筮種樹之書若有欲學
法令以吏爲師制曰可其後秦二世胡亥立不
坐朝廷見大臣趙高侍中用事李斯以爲言高
因謂二世曰沙丘之謀丞相與焉今陛下已立
爲帝而丞相貴不益此其意亦望裂地而王矣
乃使人案其子三川守由與盜通狀皆收捕宗
族賓客下獄治罪二世二年七月具斯五刑論
腰斬咸陽市斯顧謂其子曰吾欲與若復牽黃
犬出上蔡東門逐狡兔豈可得乎遂父子相哭
而夷三族

陳勝字涉汝南陽城人少時嘗與人傭耕輟耕
壠上悵恨久之曰苟富貴無相忘傭者笑曰若
爲傭何富貴也勝太息曰嗟乎燕雀安知鴻鵠

之志哉二世元年七月發間左戍漁陽九百人
勝與陽夏人吳廣爲屯長行至蘄大澤鄉會天
雨道不通度已失期失期法皆斬勝廣謀曰今
亡亦死舉大計亦死等死耳死國可乎乃行卜
卜者知其卦意曰足下事皆成有功然足下卜
之鬼乎勝廣喜念鬼曰此教我先威衆耳乃丹
書帛曰陳勝王置人所罾魚腹中卒買魚烹食
得魚腹中書固已信之矣又間令廣之次近所
旁叢祠中夜篝火狐鳴呼曰大楚興陳勝王卒

皆夜驚恐旦日卒中往往語皆指目陳勝吳廣
素愛人士卒多爲用者將尉醉廣故數言欲亡
忿恚尉令辱之以激怒其衆尉果笞廣尉劓挺
廣起奪而殺尉陳勝佐之并殺兩尉乃詐稱公
子扶蘇楚將項燕從民欲也袒右稱大楚爲壇
而盟祭以尉首陳勝自立爲將軍吳廣爲都尉
攻蘄鄢柘譙皆下之乃入據陳自立爲王號爲
張楚分遣諸將徇趙魏九江令將軍周文西擊
秦行收兵至戲軍焉秦令少府卒都擊之周文

敗走出關章邯又進兵擊陳西張賀軍陳王出
監戰軍破張賀死陳王之汝陰還至下城父其
御莊賈殺以降秦陳勝荃碭謚曰隱王陳勝雖
已死其所置遣侯王將相竟亡秦由涉首事也
漢高祖時爲涉置守冢三十家碭至今血食
蔡賜上蔡人也從陳勝王陳封於房號爲房君
吳廣圍滎陽李由爲三川守守滎陽廣弗能下
陳王徵國之豪傑與計以賜爲上柱國及武臣
自立爲趙王陳王怒捕繫武臣等家室欲誅之
柱國曰秦未亡而誅趙王將相家屬此生一秦
也不如因而立之陳王乃遣使者賀趙而徙繫
武臣等家屬宮中後章邯已破伍徐擊陳柱國
房君死

漢戴尊字子高汝南人家富於財好給施豪俠尚
氣食客常三四百人時人爲之語曰關東大豪
戴子高平帝時爲侍御史王莽篡位稱病歸
袁紹字本初汝陽人司徒湯之孫壯健好交結
有姿貌威容愛士養民既累世台司加傾心折

節賓客爭赴輜輶紫轂填接街陌內官皆惡之
中常侍趙忠言於省內曰袁本初坐作聲價好
養死士不知此兒終欲何爲叔父太傅隗聞而
責以忠言紹終不改後辟大將軍何進掾爲侍
御史虎賁中郎將靈帝崩何進徵董卓等欲誅
宦官轉紹司隸校尉及卓將兵至議欲廢立紹
曰今上富於春秋未有不善若公違禮任情廢
嫡立庶恐衆意未安卓按劍叱曰豎子敢然天
下事豈不在我我今爲之誰敢不從紹勃然曰

天下健者豈惟董公橫刀長揖徑出懸節上東
門而奔冀州初平元年紹與孔融孫堅曹操等
起兵討卓衆各數萬推紹爲盟主紹自號車騎
將軍領司隸校尉用客逢紀謀說冀州牧韓馥
以印綬讓紹紹遂領冀州牧建安元年曹操迎
天子都許下詔書責紹與公孫瓚擅相討伐紹
上書自理乃以紹爲太尉封鄴侯時曹操自爲
大將軍紹耻爲之下僞表辭不受操大慰乃讓
位與紹二年使大匠作孔融持節拜紹大將軍

錫弓矢節鉞虎賁百人兼督冀青幽并四州然
後受之紹每得詔書患有不便於已乃欲移天
子自近使說操操拒之紹尋進軍攻許宣檄數
操罪與操相拒自官渡軍敗後發病七年夏薨
子尚嗣紹從弟術建安二年僭號涇侈饑困衆
情離叛因憤慨結病嘔血死

後漢

魏延字文長義陽人以部曲隨昭烈入蜀數有
戰功遷牙門將軍昭烈爲漢中王遷治成都當
得重將以鎮漢川衆論以爲必在張飛飛亦以

心自許昭烈乃拔延爲督漢中鎮遠將軍領漢
中太守一軍盡驚昭烈大會群臣問延曰今委
卿以重任卿居之欲云何延對曰若曹操舉天
下而來請爲大王拒之偏將十萬之衆至請爲
大王吞之衆咸壯其言建興元年封都亭侯丞
相亮駐漢中以延爲督前部領丞相司馬涼州
刺史八年與魏將費瑤郭淮戰於陽谿大破淮
等遷爲前軍師征西大將軍假節進封南鄭侯
延每隨亮出輒欲請兵萬人與亮異道會於潼

關如韓信故事亮制而不許延嘗謂亮爲怯歎憾已才用之不盡後舉兵反伏誅

唐趙德諤蔡州人從秦宗權爲右將以討黃巢功授申州刺史光啓初與秦誥鹿宴弘等攻襄州節度使劉巨容奔成都進攻荆南悉收寶資留裨將王建肇守之明年歸州刺史孫禹來討遂失荆南又度宗權必敗舉兵附朱全忠全忠方爲蔡州四面行營都統即表以自副爲忠義軍節度使宗權平加中書令封淮安郡王卒于匡

凝嗣由唐州刺史爲山南東道節度使以威惠聞累遷檢討太尉兼中書令天祐元年封楚王時諸道不上貢惟匡凝歲貢天子全忠遣人諭止之匡凝流涕曰吾爲國屏翰敢有他志遂與全忠絕全忠怒出兵攻之曰敗自殺

馬殷上蔡人唐末大亂所在豪傑競起殷隨劉建鋒轉侵江西入潭州建鋒拜武安軍節度使以殷爲內馬步軍都指揮使乾寧三年武安軍亂殷劉建鋒推馬殷爲留後殷以高郁爲

至而畏物行客成納之強讓以金帛結之稱曰
成納不足畏也行客公之響雖以萬金賂之安
肯爲吾援乎不若上奉天子下撫士民訓卒厲
兵以修霸業則誰與敵矣殷從之奉表昭宗遂
以馬殷知武安留後取桂州江陵等處兵益強
天復三年以馬殷爲楚王淮南楊渥遣其將劉
存等擊楚殷命秦彥暉等帥戰艦大破之遂拔
岳州自是四方懾伏無敢犯者唐明宗長興元
年殷卒于希聲嗣三年希聲卒弟希範嗣後漢

高祖元年希範卒弟希廣嗣乾佑三年馬希範
陷潭州殺希廣而自立楚人又廢希範立馬希
崇蘭唐乘亂遣其將邊鑑擊楚希廣降國遂亡
劉知謙上蔡人客封州爲青海牙將節度使韋
甫以兄女妻之衆謂不可雷曰若人狀貌非常
吾以子孫託之因黃巢亂自據封州有詔卽授
封州刺史撫納流亡愛養士卒未幾得精兵萬
人多具戰艦境內肅然久之疾病召諸子曰今
五嶺盜賊方興吾有精甲屢械爾勉建功名時

哉不可失也遂卒衆推長子隱爲嗣自稱留後
劉建鋒蔡州朗山人與孫儒馬殷同事秦宗權
及孫儒敗建鋒收散卒轉侵江西有衆七千推
建鋒爲主以張佖爲謀主馬殷爲前鋒畧洪虔
數州衆至十餘萬乾寧元年收潭州殺武安節
度使鄭處納自稱節度留後奉表京師卽拜檢
校尚書左僕射武安軍節度使

盧祖尚字季良光州人家饒財好施以俠聞隋
大業末募壯士捕盜時年十九善御衆所向有

汝寧府志

卷十三

人物豪俠

上

功盜畏不入境宇文化及之亂祖尚據州稱刺
史歆血誓衆士皆感泣越王侗立遣使歸地因
署本州總管封沈國公王世克僭位乃以州歸
高祖授刺史封弋陽郡公從趙郡王孝恭討輔
公廼爲前軍總管下宣歙進擊賊帥馮惠亮陳
正通破之歷壽州都督瀛州刺史有能名貞觀
二年交州都督以貽敗太宗擇人任之衆舉祖
尚才備文武召見內殿謂曰交州去朝廷遠前
都督不稱職公爲我行無以道遠乎也祖尚頓

首旣而託疾帝遣杜如晦等諭意曰匹夫不負
然諾公旣許朕矣豈得悔三年當召不食吾言
對曰嶺南瘴癘而臣不能飲當無還理遂固辭
帝怒曰我使人不從何以爲天下命斬朝堂旣
而悔之詔復其官

王潮字信臣固始人五代祖曄爲固始令民愛
其仁留之因家焉世以貲顯僖宗入蜀盜起江
淮壽州亡命王緒劉行全合羣盜據壽州未幾
衆萬餘自稱將軍復取光州劫豪傑置軍中潮

自縣史署軍正王廩庾士推其信緒南畧潯陽
入漳州專恃殺戮又望氣者言軍中當有暴興
者緒潛視魁梧雄才皆以事誅之衆思次南安
潮語行全曰公美須眉才絕衆吾不知公死所
矣行全悟與數十人伏叢翳狙縛緒以徇衆呼
萬歲以行全爲將軍辭曰我不及潮請以爲主
潮苦讓不克乃除地剗劒祝口拜而劒三動者
爲主至潮弟審知劒躍於地衆以爲神皆拜之
審知讓潮自爲副緒歎曰我不能殺是子非天

于潮令於軍曰天子家難今當出交廣入巴蜀
以幹王室會泉州刺史廖彥若貪暴州人聞潮
治軍有法乃奉牛酒迎潮圍城歲餘克之殺彥
若遂有其地謀攻福州遣從弟彥復將兵審知
監之審知乘白馬履行陣望者號白馬將軍遂
取福新范暉建汀二州皆舉籍聽命昭宗假潮
福建等州團練使俄遷觀察使乃作四門義學
還流亡定賦歛遣吏勸農人皆安之乾寧中拜
潮威武軍節度使檢校尚書右僕射卒弟審知
嗣天祐初進瑯琊王

賽因不花息州人家世以資雄鄉里幼卓犖不
羈善騎射有膽畧嘗曰丈夫當努力取封侯焉
能碌碌俯首州郡乎至正間紅巾陷郡邑倡義
剪捕以兵屬忠襄王王多其勇智俾率衆討賊
嘗單騎捕斬數十級裂毗一叱所向辟易城邑
望風皆下從平章擴廓討李羅帖木兒於大同
被降之下令勿殺掠逐李羅於漠北拓地數千
里其月字羅伏誅晉太傅中書左丞相河南江

北知樞密院事

汝寧府志

卷十三

人物豪俠

十四

汝寧府志卷十三

義州何顯祖

三韓董永祚

纂修

列女

商大任平輿人考唐世系表及路史諸書湯左相仲虺七世孫曰成徙國於摯摯平也再世而生太任爲季歷元妃實生文王

周蔡人之妻者宋人之女也旣嫁於蔡而夫有惡疾其母將改醮之女曰夫之不幸乃妾之不幸也奈何去之不聞采芣苢之草乎雖極臭惡始

汝寧府志

卷十三

列女

十五

於擗之終於懷顧之浸以益親況於夫婦之道乎彼無大故又不遣妾何以得去終不聽母言乃歌采芣苢之詩君子曰宋女之志甚貞而一也

孫叔敖母叔敖爲嬰兒時出游見兩頭蛇殺而埋之歸見其母而泣焉母問其故對曰吾聞見兩頭蛇者必死今出游見之母曰蛇今安在對曰吾恐他人復見殺而埋之矣母曰有陰德者天報以福汝不死矣叔敖後爲楚相

息嬀息君之夫人楚伐息破之虜其君使守門將妻其夫人而納之於宮楚王出遊夫人遂出見息君謂之曰人生要一死而已何至自苦妾無須臾而忘君也終不以身更醮生離於地上豈如死歸於地下哉乃作詩曰穀則異室死則同穴謂予不信有如皦日息君止之夫人不聽遂自殺息君亦自殺同日俱死楚王賢其夫人守節有義乃以諸侯之禮合而葬之

出劉向列女傳與左

傳互異按春秋三傳所紀亦多抵牾不合志以表善故特存之

汝寧府志

卷十三

列女

七

召南申女者申人之女也既許嫁於鄆夫家禮不備而候迎之女與其人言以爲夫婦者人倫之始也不可不正傳曰正其本則萬物理失之毫釐差之千里是以本立而道生源潔而流清故嫁娶者所以傳重承業繼續先祖爲宗廟主也夫家輕禮違制不可以行遂不肯往夫家訟之於理致之於獄女終以一物不具一禮不備守節持義必死不往而作詩曰雖速我獄室家不足言夫家之禮不備足也君子以爲得婦貞